

vel adjutoria tribuuntur. Proinde sicut in verbis propriis, de quibus superioris disputavimus, ubi res ut dicuntur intelligendae sunt; sic in translatis qua faciunt tropicas locutiones, ubi aliud ex alio intelligendum est, de quibus hic usque quantum visum est, satis egimus, non solum admonendi sunt studiosi venerabilium litterarum, ut in Scripturis sanctis genera locutionum scient, et quomodo apud eas aliquid dici solet, vigilanter advertant, memoriaiter retenante: verumetiam, quod est precipuum et maxime necessarium, orent ut intelligent. In eis quippe litteris, quarum studiosi sunt, legunt quoniā «Dominus» dat sapientiam, et a facie ejus scientia et intellectus¹; a quo et ipsum studium, si pietate predium est, accep- perunt. Sed haec satia etiam de signis, quantum ad verba pertinet, dicta sint. Restat ut de preferendis eis, que sentimus, sequenti volumine, que Dominus donaverit, disseramus.

Quem ego sit in modo **I T U Q A O**
perpendeas. **LIBER IV.**

LIBER IV.

HACTENUS DE INVESTIGANDO SCRIPTURE SENSU, NUNC DEMUM AGITUR DE DISSENBENDO.
EX QUIDEM RHETORICIS ARTIS PERCEPTA AB HUJUS LIBRI INSTITUTUM PERTINERE
NON VELI AUGUSTINUS; SED TAMEN SUMMA DILECTISSIMA CHRISTIANI ORATORIS PAR-
TES PERSEQUEUTUR: CUI SACRUM LITTERARIAM AUCTORES ET DOCTORES ECCLESIASTI-
COS DICENDI SAPIENTIA, IMP. ET ELOQUENTIA LONGE PRESTANTISSIMOS IMITANDO
PROVINT, EX ECORUM SCRIBITIS ELOCUTIONIS EXEMPLIA IN VARIO DICENDI GENERE
SURGENTIS. POSTERUM IPSUM ECCLESIASTEN HORTATUR, UT IMPRIMIS ORATIONI
DET OPERAM; ET QUOD VERBIS DOGET ALIOS, ID OMNINO VITA ET MOLIES
PRESERVET.

PROLOGUS.

Qua de re agendum in hoc libro

I. Hoc opus nostrum¹ quod inscribitur de *Doctrina christiana*, in duō quādām fuerān prima distributione partitus. Nam post proēcium, quo respondi eis, qui hoc facuerant reprehēnsuri, « Due sunt res, inquit, quibus » nūtūr omnis tractatio Scripturarum, modus inveniendi » quae intelligenda sunt, et modus proferendi que intel-lecta sunt. De inveniendo prius; de proferendo postea » disserēmus. Quia ergo de inveniendo multa jam diximus, et tria de hac una parte volumina absolvimus, Domine adjuvante, de proferendo paucā dicemus, ut si fieri poterit, uno libro cuncta claudamus, totumque hoc opus quatuor voluminibus terminetur.

¹ Vide D. Guillon tom. xxi, pag. 96-112.

CAPUT I.

Rhetoricae precepta tradere non est hujus instituti.

II. PRIMO itaque expectationem legentium, qui forte me putant rhetorica datum esse precepta, que in scholis secularibus et didici et docui, ista prelocutione cohicebo, atque ut a me non expectentur, admoneo: non quod nihil habeant utilitatis; sed quod si quid habent, seorsum discendum est, si cui fortassis bono viro etiam haec vacat discere, non autem a me vel in hoc opere, vel in aliquo alio requirendum.

CAPUT II.

Rhetorica facultate christianum doctorem uti con-
venit.

III. NAM cum per artem rhetoricanam, et vera suadeantur et falsa, quis audeat dicere adversus mendacium in, defensoribus suis iherrem debere consistere veritatem, ut videlicet illi, qui res falsas persuadere conantur, noverint auditorem vel benevolum, vel intentum, vel docilem, procemio facere; isti autem non noverint? Illi falsa breviter, aperte, verisimiliter; et isti vera sic narrent, ut audiire teneat, intelligere non pateat, credere postremo non libeat? Illi fallacibus argumentis veritatem oppugnent, asserant falsitatem; isti nec vera defendere, nec falsa valeant refutare? Illi animos audientium in errorem mo-

ventes impellentesque dicendo tercent, contristent, exhibilarent, exhortentur ardenter; isti pro veritate, lenti frigidique dormitent? Quis ita desipiat, ut hoc sapiat? Cum ergo sit in medio posita facultas eloquii, que ad persuadenda seu prava, seu recta valet plurimum, cur non honorum studio comparatur, ut militet veritati, si eam mali ad obtinendas perversas vanasque causas in usus iniquitatis et erroris usurparint?

CAPUT III.

Rhetoricae precepta qua artate, quae ratione disci-
possunt.

IV. Sed quaecumque sunt de hac re observationsque atque precepta, quibus cum accedit in verbis plurimis ornamentisque verborum exercitatoris linguae soleritissima consuetudo, fit illa que facundia vel eloquentia nominatur, extra istas litteras nostras, seposito ad hoc congruo temporis spatio, apta et convenienti etate discenda sunt cis, qui hoc celeriter possunt. Nam et ipsos romane principes eloquentia non pignus dicere, quod hanc artem nisi quis cito possit, nunquam omnino possit perdiscre. Quod utrum verum sit, quid opus est querere? Non enim etiam possunt hinc a tardioribus tandem aliquando perdisci, nos ea tanti pendimus, ut eis discendis jam maturas vel etiam graves hominum artates velimus impendi. Satis est ut adolescentolorum ista sit cura, nec ipsorum omnium quos utilitati ecclesiasticae cupimus erudiri; sed eorum quos nondum magis urgens, et huic rei sine dulio pra-

Cicero de Oratore

007971

ponenda necessitas occupavit. Quoniam si acutum et fervens adsit ingenium, facilius adhaeret eloquentia legentibus et audiētibus eloquentes, quam eloquentiae precepta sectantibus. Nec dēsunt ecclesiasticae litterae, etiam præter canonem in auctoritatis arce salubriter collocatum, quas legendo homo capax, et si id non agat, sed tantummodo rebus quae ibi dicuntur intentus sit, etiam eloquio quo dicuntur, dum in his versatur, imbuītur, accedente vel maxime exercitatione sive scribendi, sive dictandi, postremo etiam dicendi, quæ secundum pietatis ac fidei regulam sentit. Si autem tale desit ingenium, nec illa rhetorica precepta capiantur, nec si magno labore inculcata quantulacumque ex parte capiantur, aliquid prosunt. Quandoquidem etiam ipsi, qui ea didicerunt, et copiose ornateque dicunt, non omnes ut secundum ipsa dicant, possunt ea cogitare cum dicunt, si non de his disputant: imo vero vix ullos corum esse existimo, qui utrumque possint, et dicere bene, et ad hoc faciendum precepta illi dicendi cogitare cum dicunt. Cavendum est enim ne fugiant ex animo, quæ dicenda sunt, dum attenditur ut arte dicantur. Et tamen in sermonibus atque dictionibus eloquentium, impleta reperiuntur precepta eloquentie, de quibus illi ut eloquentur, vel cum eloquentur, non cogitaverunt, sive illa dicidissent, sive ne attigissent quidem. Impletum quippe illa, quia eloquentes sunt; non adhibent ut sint eloquentes.

V. Quapropter cum ex infantibus loquentes non siant, nisi locutiones discendo eloquentium, cur eloquentes fieri non possint nulla eloquendi arte tradita, sed elocutiones eloquentium legendi et audiendi, et quantum assequi conceditur, imitando? Quid quod ita fieri ipsis quoque experimur exemplis? Nam sine preceptis rhetoricas novimus plurimos eloquentiores plurimi, qui illa didicerunt;

sine lectis vero et auditis eloquentium disputacionibus vel dictionibus neminem. Nam neque ipsa arte grammatica, qua discitur locutionis integritas, indigerent pueri, si eis inter homines, qui integre loquerentur, crescere daretur et vivere. Nescientes quippe illa nomina vitiiorum, quidquid vitiosum cujusquam ore loquentis audirent, sana sua consuetudine reprehenderent et caverent; sicut rusticos urbani reprehendunt, etiam qui litteras nesciunt.

CAPUT IV.

VI. DEBET igitur divinarum Scripturarum tractator et doctor, defensor recte fidei ac debellator erroris, et bona docere, et mala dedocere: atque in hoc opere sermonis conciliare adversos, remissos erigere; nescientibus quid agatur, quid expectare debeant intimare. Ubi autem benevolos, intentos, dociles aut invenerit, aut ipse fecerit, cetera perpenda sunt, sicut postulat causa. Si docendi sunt qui audiunt, narratione faciendum est, si tamen indigent, ut res de qua agitur innotescat. Ut autem quæ dubia sunt certa fiant, documentis adhibitis ratiocinandum est. Si vero qui audiunt movendi sunt potius quam docendi, ut in eo quod jam sciant, agendo non torpeant, et rebus assensum, quas veras esse fatentur, accommodent, majoribus dicendi viribus opus est. Ibi obsecrations et increpations, concitationes et coercitiones, et quacumque alia valent ad commovendos animos, sunt necessaria.

andino in quib[us] multo[m]plo zib[us] in t[er]r[ae] s[ecundu]m o[n]is
venq[ui]t in o[n]ib[us] p[ro]sternit in o[n]ib[us] m[od]is alius sup[er] vni
o[n]ib[us] p[ro]sternit in o[n]ib[us] p[ro]sternit in o[n]ib[us] et i[n]s[ecundu]m
CAPUT V¹. emimod[us] vni[n]t et i[n]s[ecundu]m
Interest magis ut sapienter dicat christianus orator,
quam ut eloquenter. Unde consequi id valeat.

VII. Er hæc quidem cuncta, qua dixi, omnes fere homines in iis que eloquendo agunt, facere non quiescent: sed cum ali faciant obtuse, deformiter, frigide; alii acute, ornate, vehementer; illum ad hoc opus unde agimus, jam oportet accedere, qui potest disputare vel dicere sapienter, etiamsi non potest eloquenter, ut pro sit audientibus, etiamsi minus quam prodesset, si et eloquenter posset dicere². Qui vero affluit insipienti eloquentia, tanto magis cavendum est, quanto magis ab eo in iis que audire inutiliter est, delectetur auditor, et cum quoniam diserte dicere audit, etiam vere dicere existimat. Hæc autem sententia nec illos fugit, qui artem rhetoricae docendam putarunt; fassi sunt enim sapientiam sine eloquentia parum prodesse civilitatibus; eloquentiam vero sine sapientia nimium obesse plerunque, prodesse nunquam. Si ergo hoc illi, qui precepta eloquentie trairerint, in eisdem libris in quibus id egerunt, veritate instigante coachi sunt confiteri, veram, hoc est, supernam, quæ a Patre luminum descendit, sapientiam nescientes; quanto magis nos non aliud sentire debemus, qui hujus sapientiae filii et ministri sumus? Sapienter autem dicit homo tanto magis vel minus, quanto in Scripturis sanctis magis minus proficit. Non dico in eis multum legendis memoriaque mandandis, sed

¹ In veteribus editis epistola male incipit: Sed cum alii, etc. — ² Cicer
lib. 1, de Inventione, eloquentes plurimi, quia illa duciderunt:

178700

bene intelligendis, et diligenter earum sensibus indagandis. Sunt enim qui eas legunt, et negligunt: legunt ut teneant, negligunt ne intelligent. Quibus longe sine dubio praferendi sunt, qui verba earum minus tenent, et cor earum sui cordis oculis vident. Sed utrisque ille melior, qui et cum volet eas dicit, et sicut oportet intelligit.

VIII. Huic ergo qui sapienter debet dicere, etiam quod non potest eloquenter, verba Scripturarum tenere maxime necessarium est. Quanto enim se pauperiem cernit in suis, tanto eum oportet in istis esse ditorem; ut quod dixerit suis verbis, probet ex illis; et qui propriis verbis minor erat, magnorum testimonio quedam modo crescat. Probando enim delectat, qui minus potest delectare dicens. Porro qui non solum sapienter, verum etiam eloquenter vult dicere, quoniam profecto plus proderit, si utrumque potuerit; ad legendos vel audiendos et exercitatione imitandos eloquentes cum mitto libentius, quam magistris artis rhetoricae vacare precipio: si tamen i[us] leguntur et audiuntur, non solum eloquenter, sed etiam sapienter dixisse vel dicere veraci predicatione laudantur. Qui enim eloquenter dicunt, suaviter; qui sapienter, salubriter audiuntur. Propter quod non ait Scriptura: « Multitudo eloquentium », sed: « Multitudo sapientium » sanitas est orbis terrarum¹. » Sic autem saepe sumenda sunt et amara salubritas, ita semper vitanda est perniciosa dulcedo. Sed salubri suavitate vel suavi salubritate quid melius? Quanto enim magis illic appetitur suavitatis, tanto facilius salubritas prodest. Sunt ergo ecclesiastici viri, qui divina Eloquia non solum sapienter, sed eloquenter etiam tractaverunt: quibus legendis magis non sufficit tempus, quam deesse ipsi studentibus et vacantibus possunt.

¹ Sep. vi, 26; sed in multis annis postea, non in ipso anno.

negabimt audirem curia ratiocinii in tribus illis in ead
cuiuslibet una signo audiunt. Invenimus enim in aliis quoniam, invenimus
non in. Invenimus enim in aliis quoniam, invenimus
quoniam illi sapientia habet. Invenimus enim in aliis in muris

CAPUT VI.

*Sapientia juncta cum eloquentia in sacris ad ap
plicata est auctoribus. impago omni LIB. IV.
qui remittuntur auctoribus quae auctoribus. impago omni LIB. IV.*

IX. Hic aliquis forsitan querit utrum auctores nostri,
quorum scripta divinitus inspirata canonem nobis salu-
berrima auctoritate fecerant, sapientes tantummodo, an
eloquentes etiam nuncupandi sint. Quæ quidem questio
apud me ipsum, et apud eos, qui mecum quod dico sen-
tiantur, facilime solvitur. Nam ubi eos intelligo, non solum
nihil eis sapientius, verum etiam nihil eloquentius mihi
videri potest. Et audeo dicere omnes, qui recte intelligi-
gunt quod illi loquuntur, simul intelligere non eos alter
loqui debuisse. Sicut est enim quædam eloquentia quæ
magis ætatem juvenilem decet, est quæ senilem; nec jam di-
cenda est eloquentia, si personæ non congruat eloquentis:
ita est quædam, que viros summa auctoritate dignissimos
planeque divinos decet. Hac illi locuti sunt, nec ipsos
decet alia, nec alios ipsa: ipsis enim congruit, alios autem
quanto videtur humilior, tanto altius non ventositate, sed
soliditate transcendit. Ubi vero non eos intelligo, minus
quidem mihi appetat eorum eloquentia, sed eam tamen
non dubito esse talem, qualis est ubi intelligo. Ipsa quo-
que obscuritas divinorum salubrimumque dictorum tali elo-
quentiae miscenda fuerat, in qua proficeret noster intel-
lectus, non solum inventione, verum etiam exercitatione
deberet.

X. Possem quidem, si vacaret, omnes virtutes et or-
namenta eloquentiae, de quibus inflantur isti, qui lingua

suam nostrorum auctorum lingue non magnitudine, sed
tumore præponunt, ostendere in istorum Litteris sacris,
quos nobis erudiendis, et ab hoc sæculo pravo in beatum
seculum transferendis, providentia divina providit. Sed
non ipsa me plus quam dici potest in illa eloquentia de-
lectant, quæ sunt his viris cum oratoribus gentilium poë-
tis communia: illud magis admiror et stupo, quod
ista nostra eloquentia ita usi sunt per alteram quamdam
eloquentiam suam, ut nec deesset eis, nec emineret in
eis: quia eam nec improbari ab illis, nec ostentari oportebat;
quorum alterum fieret, si vitaretur; alterum putari
posset, si facile agnosceretur. Et in quibus forte locis
agnoscitur a doctis, tales res dicuntur, ut verba quibus
dicuntur, non a dicente adhibita, sed ipsis rebus velut
sponte subjuncta videantur: quasi sapientiam de domo
sua, id est, pectore sapientis procedere intelligas, et tan-
quam inseparabilem famulam etiam non vocatam sequi
eloquentiam.

CAPUT VII.
*Pulchre docet adductis exemplis in sacris Litteris
inesse germanam eloquentiam, que sapientia ad-
haret velut inseparabilis comes.*

XI. Quis enim non videat quid voluerit dicere, et quam
sapienter dixerit Apostolus: «Gloriamur in tribulationibus,
» scientes quia tribulatio patientiam operatur, patientia
» autem probationem, probatio vero spem, spes autem
» non confundit: quia caritas Dei diffusa est in cordibus

» nostris per Spiritum sanctum, qui datus est nobis?¹² » Hic si quis, ut ita dixerim, imperite peritus, artis eloquentiae precepta Apostolum secutum fuisse contendat, nonne a Christianis doctis indoctisque ridebitur? Et tamen agnoscatur hic figura, que ἀνθρώπος grece, latine vero a quibusdam est appellata gradatio, quoniam scalam dicere poluerunt, cum verba vel sensu connectuntur alterum ex altero; sicut hic, ex tribulatione patientiam, ex patientia probationem, ex probatione spem commexam videmus. Agnoscatur et aliud decus, quoniam post aliqua pronuntiationis voce singula finita, que nostri membra et cesa, Graeci autem καὶ οὐκ εἰπεν vocant, sequitur ambitus sive circuitus, quem μηδέποτε illi appellant, cuius membra suspenduntur voce dicentes, donec ultimo finiantur. Nam eorum que precedunt circuitum, membrum illud est primum, « Quoniam tribulatio patientiam operatur: » secundum, « Patientia autem probationem: » tertium, « Probatio vero spem. » Deinde subjungitur ipse circuitus, qui tribus peragitur membris, quorum primum est, « Spes autem non confundit: » secundum, « Quia charitas Dei diffusa est in cordibus nostris: » tertium, « Per Spiritum sanctum qui datus est nobis. » At hec atque hujuscemodi in elocutionis arte traduntur. Sicut ergo Apostolum precepta eloquentiae secutum fuisse non dicimus, ita quod ejus sapientiam secuta sit eloquentia, non negamus.

XII. Scribens ad Corinthios, in secunda Epistola redarguit quosdam, qui erant ex Judaeis pseudo-apostoli, cique detrahebant: et quoniam se ipsum praedicare compellitar, hanc sibi velut insipientiam tribuens, quam sapienter dicit quamque eloquenter? Sed comes sapientiae, dux eloquentiae, illam sequens, istam praecedens et sequentem non

¹² Rom. v, 3 et seqq.

respuens. « Iterum deo, inquit, ne quis me existimet insipientem esse, alioquin velut insipientem suscipere me, ut et ego modicum quid glorier. Quod loquor, non loquor secundum Deum, sed quasi in stultitia, in hae substantia gloriae. Quoniam quidem multi gloriantur secundum carnem, et ego gloriabor. Libenter enim sustinetis insipientes, cum sitis ipsi sapientes. Toleratis enim si quis vos in servitatem redigit, si quis devorat, si quis accipit, si quis extollitur, si quis in faciem vos credit. Secundum ignobilitatem dico, quasi nos infirmati simus. In quo autem quis audet (in insipientia dico), audeo et ego. Hebrei sunt? et ego. Israelite sunt? et ego. Semen Abrahæ sunt? et ego. Ministri Christi sunt? (insipienti dico) super ego. In laboribus plurimum, in carceribus abundantius, in plagiis supra modum, in mortibus sepius. A Judæis quinque, quam draginta una minus accepi. Ter virgis caesus sum, semel lapidatus sum, ter naufragium feci: nocte et die in profundis maris fui; in itineribus sepe, periculis fulminum, periculis latronum, periculis ex genere, periculis ex gentibus, periculis in civitate, periculis in dererto, periculis in mari, periculis in falsis fratribus: in labore et aërumna, in vigiliis sepius, in fame et siti, in jejuniis sepius, in frigore et nuditate: præter illa quæ extrinsecus sunt, incurvus in me quotidianus, sollicitudo omnia Ecclesiæ. Quis infirmatur, et ego non infirmor? Quis scandalizatur, et ego non uror?¹³ Si gloriarior oportet, in in qua infirmitatis meæ sunt, gloriarior. » Quanta sapientia ista sint dicta vigilantes vident. Quanto vero etiam eloquentia cœquererint flumine, et qui stertit adverbit.

XIII. Porro autem qui novit, agnoscit quod ea cœsa,

¹³ 2 Cor. xi, 16-30.

quae *καρποί* Graeci vocant, et membra, et circuitus, de quibus paulo ante disserui, cum decentissima varietate interponerentur, totam istam speciem dictionis, et quasi ejus vultum, quo etiam indocti delectantur moventurque, fecerunt. Nam unde copimus hunc locum inserere, circuitus sunt: primus minimus, hoc est bimembris; minus enim quam duo membra circuitus habere non possunt, plura vero possunt: ergo ille primus est, « Iterum dico, ne quis me existimet insipientem esse. » Sequitur alias trimembris, « Alioquin, velut insipientem suscipe me, ut ego modicum quid glorier. » Tertius qui sequitur membra habet quatuor, « Quod loquor, non loquor secundum Deum, sed quasi in stultitia, in hac substantia gloriae. » Quartus duo habet, « Quandoquidem multi gloriantur secundum carnem, et ego gloriabor. » Et quintus habet duo, « Libenter enim sustinetis insipientes, cum sitis ipsi sapientes. » Etiam sextus bimembris est, « Toleratis enim, si quis vos in servitatem redigit. » Sequuntur tria cæsa, « Si quis devorat, si quis accipit, si quis extollitur. » Deinde tria membra, « Si quis in faciem vos cedat, secundum ignorabilitatem dico, quia nos infirmati sumus. Additur trimembris circuitus, « In quo autem quis andet (in insipientia dico), audeo et ego. » Hinc jam singulis quibusque cæsis interrogando positis, singula itidem cæsa responsive redduntur, tria tribus, « Hebrewi sunt? et ego. Israélites sunt? et ego. Semen Abrahæ sunt? et ego. » Quarto autem cæso simili interrogatione positio, non alterius cæsi, sed membrai oppositione respondet, « Ministri Christi sunt? (insipienti dico) super ego. » Jam cæsa quatuor sequentur, remota decentissima interrogatione funduntur, « In laboribus plurimum, in carcerebus abundantius, in plagiis supra modum, in mortibus saepius. » Deinde in-

terponitur brevis circuitus, quoniam suspensa pronuntiatione distinguendum est, « A Judeis quinques », ut hoc sit unum membrum, cui connectitur alterum, « quadraginta una minus accepi. » Inde redditur ad cæsa, et ponuntur tria, « Ter virgin cæsus sum, semel lapidatus sum, ter naufragium feci. » Sequitur membrum, « Nocte ac die in profundo maris fui. » Deinde quatuordecim cæsa decentissimo impetu profluantur, « In iteribus saep, periculis fluminum, periculis latronum, periculis ex genere, periculis ex gentibus, periculis in civitate, periculis in deserto, periculis in mari, periculis in falsis fratribus; in labore et ærmina, in vigiliis saepius, in fame et siti, in jejuniis saepius, in frigore et nuditate. » Post haec interponit trimembrem circuitum, « Præter illa quæ extrinsecus sunt, incursum in me quotidianus, sollicitudo omnium Ecclesiærum. » Et huic duo membris percontatio subjungit, « Quis infirmatur, et ego non infirmor? Quis scandalizatur, et ego non uor? » Postremo totus iste quasi anhelans locus, bimembri circuitu terminatur. « Si gloriari oportet, in iis quæ infirmitatæ meæ sunt gloriabor. » Quod vero post humi impetum interposita narratiuncula quodam modo requiescit, et requiescere facit auditorem, quid decoris, quid delectationis habeat, satis dici non potest. Sequitur enim dicens, « Deus et Pater Domini nostri Iesu Christi scit, qui est benedictus in secula, quod non mentior¹. » Ac deinde quomodo periclitatus fuerit, et quomodo evaserit, brevissime narrat.

XIV. Longum est cætera persequi, vel in aliis sanctarum Scripturarum locis ista monstrare. Quid si etiam figuræ locutionis que illa arte traduntur, in iis saltem quæ de Apostoli eloquio commemoravi, ostendere volu-

¹ 2 Cor. xi, 31.

sem; nonne facilius graves homines me nimium, quam quisquam studiosorum sibi sufficientem putarent? Haec omnia quando a magistris docentur, pro magno habentur, magno emuntur pretio, magna jactatione vendantur. Quam jactationem etiam ego redolere vereor, dum ista sic dissero. Sed male doctis hominibus respondendum fuit, qui nostros auctores contemnentes putant, non quia non habent, sed quia non ostentant, quam nimis istis diligunt, eloquentiam.

XV. Sed forte quis putat, tanquam eloquentem nostrum elegisse me apostolum Paulum. Videtur enim ubi aut, « Etsi imperitus sermone, sed non scientia¹ », quasi concedendo obrectatoribus sic locutus, non tanquam id verum agnosceret, confitendo. Si autem dixisset, « Im-² peritus quidem sermone, sed non scientia », millo modo aliud posset intelligi. Scientiam plane non cunctatus est profiteri, sine qua esse doctor gentium non valeret. Certe si quid eius proferimus ad exemplum eloquentiae, ex illis Epistolis utique proferimus, quas etiam ipsi obrectatores ejus, qui sermonem praesentis contemptibilem putari volebant, graves et fortes esse confessi sunt³. Dicendum ergo mihi aliquid esse video et de eloquentia Prophetarum, ubi per tropologiam multa obteguntur. Que quanto magis translati verbis videntur operiri, tanto magis cum fuerint aperta dulcescunt. Sed hoc loco tale aliquid commemorare debeo, ubi quae dicta sunt, non cogar expondere, sed commendem tantum quomodo dicta sint. Et ex illius Prophetae libro potissimum hoc faciam, qui se pastorem vel armentarium fuisse dicit, atque inde divinitus ablatum atque missum, ut Dei populo prophetaret⁴. Non autem secundum Septuaginta interpres, qui etiam ipsi divino Spiritu interpretati, ob hoc alter videntur nonnulla

¹ 2 Cor. xi, 6. — ² 1 Cor. x, 10. — ³ Amos vii, 14, 15.

dixisse, ut ad spiritalem sensum scrutandum magis admoneretur lectoris intentio; unde etiam obscuriora nonnulla, quia magis tropica, sunt eorum: sed sicut ex hebreo in latinum eloquium presbytero Hieronymo utriusque lingue perito interpretante translata sunt.

XVI. Cum igitur argueret impios, superbos, luxuriosos, et fraterne ideo negligentissimos charitatis, rusticus vel ex rusticō iste Propheta exclamavit, dicens: « Vae qui opulentis estis in Sion, et confiditis in monte Samariae, optimates capita populorum, ingredientes pompatice domum Israël, transitie in Chalanee, et videte, et ite inde in Emath magnam, et descendite in Geth Palestinae norum, et ad optima quaque regna horum, si latior terminus eorum termino vestro est. Qui separati estis in diem malum, et appropinquatis solo iniquitatis. Qui dormitis in lectis eburneis, et lascivitis in stratis vestris: qui comeditis agnum de grege, et vitulos de medio armenti: qui canitis ad vocem psalterii. Sicut David putaverunt se habere vas cantici, bibentes in phialis vinum, et optimo unguento delibuti: et nihil patierunt super contritione Joseph¹. » Numquidnam isti, qui Prophetas nostros tanquam ineruditos et eloquentias ignarus veluti docti disertique contemnunt, si aliquid eis tale vel in tales dicendum fuisset, aliter se voluiscent dire, qui tamen eorum insanire noluisseant?

XVII. Quid enim est quod isto eloquio aures sobrie plus desiderent? Primo ipsa invectio, quasi sopitis sensibus, ut evigilarent, quo fremitu illisa est? « Vae, qui opulentis estis in Sion, et confiditis in monte Samariae, optimates capita populorum, ingredientes pompatice domum Israël. » Deinde ut beneficiis Dei, qui eis ampla spatha regni dedit, ostendat ingratos, quoniam confide-

¹ Amos vi, 1-6.

bant in monte Samariæ, ubi utique idola colebantur, « Transite, inquit, in Chalanne, et videte, et ite inde in » Emath magnam, et descendite in Geth Palæstinorum, » et ad optima quæque regna horum, si latior terminus » eorum termino vestro est. » Similiter etiam cum ista dicuntur locorum nominibus tanquam luminibus ornatur eloquium, quæ sunt Sion, Samaria, Chalanne, Emath magna, et Geth Palæstinorum. Deinde verba quæ his adjunguntur locis decentissime variantur: « Opulentis estis, » confiditis, transite, ite, descendite. »

XVIII. Consequenter denuntiatur futura sub iniquo rege appropinquare captivitas, cum adjungitur, « Qui se- » parati estis in diem malum, et appropinquatis solo ini- » quitatis. » Tunc subjiciuntur merita luxurie, « Qui » dormitis in lectis eburneis, et lascivitis in stratis vestris: » qui comeditis agnum de grege, et vitulos de medio ar- » menti. » Ista sex membra tres bimembres circuitus edi- derunt. Non enim ait: « Qui separati estis in diem malum, qui appropinquatis solo iniquitatibus, qui dormitis in lectis eburneis, qui lascivitis in stratis vestris, qui comeditis agnum de grege, et vitulos de medio armenti; » si ita dicere- tur, esset quidem et hoc pulchritus, ut ab uno pronominis repetito singula sex membra decurrent, et pronuntiantis voce singula finirentur: sed pulchritus factum est, ut eisdem pronominis essent bina subnexa, quæ tres sententias explicarent; unam ad captivitatis prænuntiationem, « Qui » separati estis in diem malum, et appropinquatis solo » iniquitatibus; » alteram ad libidinem: « Qui dormitis in » lectis eburneis, et lascivitis in stratis vestris; » ad voraci- citatem vero tertiam pertinentem, « Qui comeditis agnum » de grege, et vitulos de medio armenti: » ut in potestate sit pronuntiantis, utrum singula finiat, et membra sint sex, an primum et tertium et quintum voce suspendat, et

secundum primo, quartum tertio, sextum quinto connec- tendo, tres bimembres circuitus decentissime faciat; unum quo calamitas imminens, alterum quo lectus impurus, tertium quo prodiga mensa monstretur.

XIX. Deinde luxuriosam remordet aurum voluptatem. Ubi cum dixisset, « Qui canitis ad vocem psalterii, » quo- niam potest exerceri sapientia a sapientibus musicis, mirabilis decorum dicendi, invectionis impetu relaxato, et non ad illos, sed de illis jam loquens, ut nos musicam sapientis a musica luxuriantis distinguere commoneret, non ait: « Qui canitis ad vocem psalterii, et sicut David putatis vos habere vasa cantici: » sed cum illud ad illos dixisset, quod luxuriosi audire deberent, « Qui canitis ad vocem psal- » terii, » imperitiam quoque eorum alii quodam modo in- dicavit, adjungens, « Sicut David putaverunt se habere » vasa cantici, bibentes in phialis vinum, et optimo un- » guento delibit. » Trias haec molius prouantiantur, si sus- pensis duobus prioribus membris circuitus, tertio finian- tur.

XX. Jamvero quod his omnibus adjicitur, « Et nihil » patiebantur super contritione Joseph, » sive continua- tim dicatur ut unum sit membrum, sive decentius suspen- datur, « Et nihil patiebantur, » et post hanc distinctionem inferatur, « Super contritione Joseph, » atque sit bimem- bris circuitus, miro decoro non dictum est: « Nihil patiebantur super contritione fratris, » sed positus est pro fratre, « Joseph, » ut quicunque frater proprio significaret eijus nomine, cuius ex fratribus fama præclara est, vel in ma- lis quæ pendit, vel in bonis que rependit. Iste certe tropus ubi Joseph quemcumque fratrem facit intelligi, nescio utrum illa, quam didicimus et docuimus, arte tradatur. Quam sit tamen pulcher, et quemadmodum afficiat legen-

tes atque intelligentes, non opus est cuiquam dici, si ipse non sentit.

XXI. Et plura quidem quæ pertinent ad præcepta eloquentiæ, in hoc ipso loco, quem pro exemplo posuimus, possunt reperiiri. Sed bonum auditorem, non tam si diligenter discutiatur, instruit, quam si ardenter pronuntietur, accedit. Neque enim haec humana industria composta, sed divina mente sunt fusa et sapienter et eloquenter, non intenta in eloquentiam sapientia, sed a sapientia non recedente eloquentia. Si enim, sicut quidam discretissimi atque acutissimi viri videre ac dicere poterunt, ea quæ velut oratoria arte discuntur, non observarecurt et nota-rentur, et in hanc doctrinam non redigerentur, nisi prius in oratorum invenirentur ingenii; quid mirum si et in istis inveniuntur, quos ille misit, qui facit ingenia? Quapropter et eloquentes quidem, non solum sapientes, canonicos nostros autores doctoresque fateamur, tali eloquentia qualis personis ejusmodi congruebat.

CAPUT VIII.

Obscuritas sacrorum auctorum licet eloquens, non imitanda a doctoribus christianis.

XXII. **S**ED nos etsi de litteris eorum, quæ sine difficultate intelliguntur, nonnulla sumimus elocutionis exempla; nequaquam tamen putare debemus imitandos eos nobis esse in iis, quæ ad exercendas et eliminandas quodam modo mentes legentium et ad rumpenda fastidia atque acuenda studia discere volentium; celando quoque, sive ut ad pietatem convertantur, sive ut a mysteriis secludantur,

animos impiorum, utili ac salubri obscuritate dixerant. Sic quippe illi locuti sunt, ut posteriores, qui eos recte intelligerent et exponerent, alteram gratiam, disparem quidem, verumtamen subsequentem in Dei Ecclesia reperirent. Non ergo expositores eorum ita loqui debent, tanquam se ipsi expandon simili auctoritate proponant; sed in omnibus sermonibus suis primitus ac maxime ut intelligantur elaborent, ea quantum possunt perspicuitate dicensi, ut aut multum tardus sit qui non intelligat, aut in rerum quas explicare atque ostendere volumus difficultate ac subtilitate, non in nostra locutione sit causa, quo minus tardiusve quod dicimus possit intelligi.

CAPUT IX.

Difficilia intellectu apud quos et quo modo tractanda.

XXIII. **S**UNT enim quedam, quæ vi sua non intelliguntur, aut vix intelliguntur, quantolibet et quantumlibet, quamvis planissime, dicentes versentur eloquo, quæ in populi audiencentiam, vel raro, si aliquid urget, vel nunquam omnino mittenda sunt. In libris autem, qui ita scribuntur, ut ipsi sibi quodam modo lectorem teneant cum intelliguntur, cum autem non intelliguntur molesti non sint nolentibus legerे, et in aliquorum collocationibus, non est hoc officium deserendum, ut vera quamvis difficillima ad intelligendum, quæ ipsi jam perceperimus, cum quantocunque labore disputationis ad aliorum intelligentiam perducamus, si tenet auditorem vel collectorem discendi cupiditas, nec mentis capacitas desit, quæ quoquo modo

intimata possit accipere; non curante illo, qui docet quanta eloquentia doceat, sed quanta evidentia.

CAPUT X.

Perspicuitatis in dicendo studium.

XXIV. Curus evidentiæ diligens appetitus aliquando negligit verba cultiora, nec curat quid bene sonet, sed quid bene indicit atque intimet quod ostendere intendit. Unde ait quidam¹, cum de tali genere locutionis ageret, esse in ea quamdam diligentem negligientiam. Hec tamen sic detrahit ornatum, ut sordes non contrahat. Quamvis in bonis doctoribus tanta docendi cura sit, vel esse debeat, ut verbum quod nisi obcurum sit vel ambiguum, latinum esse non potest, vulgi autem more sic dicitur ut ambiguas obscuritasque vitetur, non si dicatur ut a doctis, sed potius ab indoctis dici solet. Si enim non pignus dicere interpres nostros: « Non congregabo conventicula eorum de » sanguinibus², » quoniam senserunt ad rem pertinere, ut eo loco pluraliter emuntarietum hoc nomen, quod in latina lingua tantummodo singulariter dicitur; cur pietatis doctorem piceat imperitis loquenter, ossum potius quam os dicere, neista syllaba non ab eo quod sunt ossa, sed ab eo quod sunt ora intelligatur, ubi Afræ aires de correptione vocalium vel productione non judican? Quid enim prodest locutionis integritas, quam non sequitur intellectus audientis, cum loquendi omnino nulla sit causa, si quod loquimus non intelligunt, propter quos ut intelligent loquimur? Qui ergo docet, vitabit omnia verba, que non

¹ Cicero in Oratore. — ² Psal. xv, 4.

docent; et si pro eis alia integra, quæ intelligentur, potest dicere, id magis eliget: si autem non potest, sive quia non sunt, sive quia in praesentia non occurruunt, utetur etiam verbis minus integris, dum tamen re ipsa doceatur atque discatur integre.

XXV. Et hoc quidem non solum in collocutionibus, sive fiant cum aliquo uno, sive cum pluribus, verum etiam multo magis in populis quando sermo promitur, ut intelligamur instandum est. Quia in collocutionibus est cuique interrogandi potestas: ubi autem tacent ut audiatur unus, et in eum intenta ora convertunt, ibi ut requirat quisque quod non intellexerit, nec moris est nec decoris: ac per hoc debet maxime tacenti subvenire eura dicentis. Solet autem motu suo significare utrum intellexerit cognoscendi avida multitudo: quod donec significet, versandum est quod agitur, multimoda variate dicendi; quod in potestate non habent, qui preparata, et ad verbum memoriter retenta prouant. Mox autem ut intellectum esse constiterit, aut sermo finiendus, aut in alia transeundum est. Sicut enim gratius est, qui cognoscenda enubilat: sic onerosus est, qui cognita inculcat, eis duntaxat quorum tota expectatio in dissolvenda eorum, que panduntur, difficultate pendebat. Nam delectandi gratia etiam nota dicuntur; ubi non ipsa, sed modus quo dicuntur attenditur. Quod si et ipse jam notus est, atque auditoribus placet, pene nihil interest utrum is, qui dicit, dictor vel lector sit. Solent enim et ea que commode scripta sunt, non solum ab iis quibus primitus innotescunt, jocunde legi; verum ab iis, etiam, quibus jam nota sunt, neque adhuc illa de memoria delevit oblivio, non sine jocunditate relegi, vel ab utrisque libenter audiiri. Quæ autem quisque jam oblitus est, cum commonetur, docetur. Sed de modo delectandi nunc non ago; de modo quo docendi sunt, qui

discere desiderant, loquor. Is autem est optimus, quo fit ut qui audit, verum audiat, et quod audit intelligat. Ad quem finem cum ventum fuerit, nihil tune amplius de ipsa re tanquam diutius docenda laborandum est, sed forte de commendanda ut in corde figatur: quod si faciendum videbitur, ita modeste faciendum est ne perveniantur ad tedium.

CAPUT XI.

*Quare conanti docere dicendum perspicue, nec tam
men insuaviter.*

XXVI. Proorsus haec est in docendo eloquentia, qua fit dicendo, non ut libeat quod horrebat, aut ut fiat quod pigebat, sed ut appareat quod latebat. Quod tamen si fiat insuaviter, ad paucos quidem studiosissimos suis peruenit fructus, qui ea que discenda sunt, quamvis abjecte incoluerit dicantur, scire desiderant. Quod cum adepti fuerint, ipsa delectabiliter veritate pascuntur: bonorumque ingeniorum insignis est indeo, in verbis verum amare, non verba. Quid enim prodest clavis aurea, si aperire quod volumus non potest? Aut quid obest lignea, si hoc potest? quando nihil querimus, nisi patere quod clausum est. Sed quoniam inter se habent nonnullam similitudinem vescentes atque discentes, propter fastidia plurimorum, etiam ipsa, sine quibus vivi non potest, alimenta condenda sunt.

CAPUT XII.

*Oratoris est docere, delectare, flectere. Quomodo
haec tria præstare debet.*

XXVII. Dixit ergo quidam eloquens⁴, et verum dixit, ita dicere debero eloquentem, ut doceat, ut delectet, ut flectat. Deinde addidit: Docere necessitas est, delectare suavitatis, flectere victoriae. Horum trium quod primo loco positum est, hoc est docendi necessitas, in rebus est constituta, quas dicimus; reliqua quo in modo, quo dicimus. Qui ergo dicit cum docere vult, quandiu non intelligitur, nondum se existimet dixisse quod vult ei quem vult docere. Quia etsi dixit quod ipse intelligit, nondum illi dixisse putandus est, a quo intellectus non est: si vero intellectus, est, quocumque modo dixerit, dixit. Quod si etiam delectare vult eum, cui dicit, aut flectere, non quocumque modo dixerit faciet: sed interest quomodo dicat ut faciat. Sicut est autem ut teneatur ad audiendum, delectandus auditor, ita flectendus, ut moveatur ad agendum. Et sicut delectatur si suaviter loquaris; ita flectitur si amet quod polliceris, temeat quod minaris, oderit quod arguis; quod commendas amplectatur, quod dolendum exaggera doleat, cum quid letandum praedicas gaudet, miscreatur corum, quos miserandos ante oculos dicendo constitutis; fugiat eos, quos cavendos terrendo proponis, et quidquid aliud grandi eloquentia fieri potest ad movendos animos auditorum, non quid agendum sit ut scient, sed ut agant quod agendum esse jam sciunt.

XXVIII. Si autem adhuc nesciunt, prius utique do-

⁴ Cicero in Oratore.

cendi sunt quam movendit. Et fortasse rebus ipsis cognitis ita movebuntur, ut eos non opus sit majoribus eloquentiae viribus jam moveri. Quod tamen cum opus est, faciendum est: tunc autem opus est, quando cum scierint quid agendum sit, non agunt. Ac per hoc docere necessitatis est. Possunt enim homines et agere et non agere quod sciunt. Quis autem dixerit eos agere debere quod nesciant? Et ideo flectere necessitatis non est, quia non semper opus est, si tantum docenti vel etiam delectanti consentit auditor. Ideo autem victorie est flectere, quia fieri potest ut doceatur et delectetur, et non assentietur. Quid autem illa duo proderunt, si desit hoc tertium? Sed neque delectare necessitatis est, quandoquidem cum dicendo vero monstrantur, quod ad officium docendi pertinet, non eloquio agitur, neque hoc attenditur, ut vel ipsa vel ipsum delectet eloquium, sed per se ipsa, quoniam vera sunt, manifestata delectant. Unde plerumque delectant etiam falsa patefacta atque convicta. Neque enim delectant, quia falsa sunt: sed quia falsa esse verum est, delectat et dictio qua hoc verum esse monstratum est.

CAPUT XIII.

Dicendo demum flectendi animi.

XXIX. PROPTER eos autem, quibus fastidientibus non placet veritas, si alio quocumque modo nisi eo modo dicitur, ut placeat et sermo dicentis, datus est in eloquentia non parvus etiam delectationi locus. Que tamen addita non sufficit duris, quos nec intellexisse, nec docentis elocutione delectatos esse profuerint. Quid enim haec duo

conferunt homini, qui et confiteretur verum, et collaudat eloquium, nec inclinat assensum, propter quem solum, cum aliquid suadetur, rebus quae dicuntur invigilat dicentis intentio? Si enim talia docentur, quae credere vel nosse sufficiat, nihil est aliud eis consentire, nisi confiteri vera esse. Cum vero id docetur quod agendum est, et ideo docetur ut agatur, frustra persuadetur verum esse quod dicitur, frustra placet modus ipse quo dicitur, si non ita discitur ut agatur. Oportet igitur eloquentem ecclesiasticum, quando suadet aliquid quod agendum est, non solum docere ut instruat et delectare ut teneat, verum etiam flectere ut vincat. Ipse quippe item remanet ad consensionem flectendus eloquentiae granditate, in quo id non egit usque ad ejus confessionem demonstrata veritas, adjuncta etiam suavitate dictioris.

CAPUT XIV.

Dictionis suavitas pro ratione argumenti procuranda est.

XXX. Cui suavitati tantum opera impensum est ab hominibus, ut non solum non facienda, verum etiam fugienda ac detestanda tot et tanta mala atque turpia, quae malis et turpibus disertissime persuasa sunt, non ut eis consentiantur, sed sola delectationis gratia, licetitentur. Avertat autem Deus ab Ecclesia sua quod de synagoga Iudeorum Jeremias propheta commemorat dicens: « Par vor et horrenda facta sunt super terram; Prophetæ pro phetabant iniqua, et sacerdotes plusquam dederunt mani-

» bus suis, et plebs mea dilexit sic. Et quid facietis in futu-
» rum?¹ O eloquentia tanto terribilior, quanto purior, et
quanto solidior, tanto vehementior! O vera securis conci-
dens petras!² huic enim rei simile esse verbum suum, quod
per sanctos Prophetas fecit, per hunc ipsum Prophetam
Deus ipse dixit. Absit itaque, absit a nobis, ut sacerdotes
plaudant iniqua dicentibus, et plebs Dei diligat sic. Absit
a nobis, inquam, tanta dementia : nam quid faciemus in
futurum? Et certe minus intelligentur, minus placeant,
minus moveant que dicuntur ; verumtamen dicuntur ; et
justa, non iniqua libenter audiantur : quod utique non
fieret, nisi suaviter dicerentur.

XXXI. In populo autem gravi, de quo dictum est Deo,
» In populo gravi laudabo te³, » nec illa suavitatis delec-
tabilis est, qua non quidem iniqua dicuntur, sed exigua
et fragilia bona spumeo verborum ambitu ornantur, quali
nec magna atque stabili decenter et graviter ornarentur.
Est tale aliquid in Epistola beatissimi Cypriani⁴, quod
ideo puto vel accidisse, vel consulto factum esse, ut sci-
retur a posteris, quam linguam doctrine christianae sa-
nitas ab ista redundantia revocaverit, et ad eloquentiam
graviore modestoremque restrinxerit ; qualis in ejus
consequentiibus litteris secure amat, religiose appetitur,
sed difficillime impletur. Ait ergo quodam loco : « Pe-
» tam hanc sedem : dant recessum vicina secreta, ubi
» dum erratici palmitum lapsus pendulis nexibus per
» arundines bajulas repunt, viteam porticum frondea
» tecta ficerunt. » Non dicuntur ista nisi mirabiliter
affluentissima fecunditate facundiae, sed profusione nimia
gravitati disciplicant. Qui vero hac amant, profecto eos
quoniam ita dicunt, sed castigatus eloquentur, non posse

¹ Jer. v, 30, 31. — ² Id. xlv, 22. — ³ Psal. xxv, 18. — ⁴ Epist. 1 ad
Donatum.

ita eloqui existimant, non judicio ista devitare. Quapropter
iste vir sanctus et posse se ostendit sic dicere, quia
dixit alicubi, et nolle, quoniam postmodum nusquam.

CAPUT XV.

Orandum Deus doctori ecclesiastico ante concessionem.

XXXII. ACTU itaque noster iste eloquens, cum et justa
et sancta et bona dicit, neque enim alia debet dicere ;
et ideo quantum potest cum ista dicit, ut intelligenter,
ut libenter, ut obedienter audiatur : hec se posse, si po-
tuerit, et in quantum potuerit, pietate magis orationum
quama oratorum facultate non dubitet, ut orando pro se,
ac pro illis, quos est allocuturus, sit orator antequam dic-
tor. Ipsa hora jam ut dicat accedens, prius quam exerat
proferentem linguam, ad Deum levet animam sicutem,
ut eructet quod biberit, vel quod impleverit fundat. Cum
enim de unaquaque re, quae secundum fidem dilectione
nemque tractanda sunt, multa sint quae dicantur, et multi
modi quibus dicantur ab eis, qui haec sciunt ; quis novit
quid ad praesens tempus, vel nobis dicere, vel per nos
expedit audiri, nisi qui corda omnium videt? Et quis
facit ut quod oportet, et quemadmodum oportet, dicatur
a nobis, nisi in ejus manus sunt et nos et sermones nostri?
Ac per hoc discat quidem omnia, quae docenda sunt, qui
et nosse vult, et docere¹ ; facultatemque dicendi, ut de-
cet virum ecclesiasticum, comparet ; ad horam vero ipsius
dictionis, illud potius bona mente cogitet convenire quod
Dominus ait : « Nolite cogitare quomodo aut quid loqua-

¹ Sap. vii, 16.

» mini; dabitur enim vobis in illa hora quid loquamini :
 » non enim vos estis qui loquimini, sed Spiritus Patris
 » vestri qui loquitur in vobis¹. » Si ergo loquitur in eis
 Spiritus sanctus, qui persequentibus traduntur pro Christo,
 cur non et in eis, qui tradunt discentibus Christum?

CAPUT XVI.

*Docendi precepta non superfluo dantur ab homine,
 tametsi doctores efficiat Deus.*

XXXIII. QUSQVIS autem dicit non esse hominibus
 præcipiendum quid vel quemadmodum doceant, si do-
 ctores sancti efficiuntur Spiritus, potest dicere nec orandum
 nobis esse, quia Dominus ait: « Seit Pater vester quid
 » vobis necessarium sit, prius quam petatis ab eo²: » aut
 apostolum Paulum Timotheo et Tito non debuisse præci-
 pere, quid vel quemadmodum præcipierent alii. Quas tres
 apostolicas Epistolas ante oculos habere debet, cui est in
 Ecclesia doctoris persona imposita. Nonne in prima ad
 Timotheum legitur, « Annuntia hæc, et doce? » quæ au-
 tem sint, supra dictum est. Nonne ibi est, « Seniores ne
 » increpaveris, sed obsecra ut patrem³? » Nonne in se-
 cunda ei dicitur: « Formam habe verborum sanorum,
 » quæ a me audisti⁴? Nonne ibi ei dicitur, « Sat, age, te
 » ipsum probabilem operarium exhibens Deo non erubes-
 » centem, verbum veritatis recte tractantem⁵? » Ibi est
 et illud, « Prædicta verbum, insta opportune, importune,

¹ Matth. x, 19-20. — ² Id. vi, 8. — ³ 1 Tim. iv, 11. — ⁴ Id. v, 1. —
⁵ 2 Tim. i, 13. — ⁶ Id. n, 15.

» argue, obsecra, increpa in omni longanimitate et doc-
 » trina¹. » Itemque ad Titum nonne dicit episcopum
 juxta doctrinam fidelis verbi perseverantem esse debere,
 « Ut potens sit in doctrina sana et contradicentes redar-
 » guere²? » Ibi etiam dicit: « Tu vero loquere quæ decent
 » sanam doctrinam, senes sobrios esse³, » et quæ sequun-
 » tur. Ibi et illud, « Haec loquere et exhortare: et increpa
 » cum omni imperio. Nemo te contemnat. Admove illos
 » principibus et potestatibus subditos esse⁴, etc. » Quid
 ergo putamus? Numquid contra se ipsum sentit Apostolus,
 qui cum dicat doctores operationes fieri Spiritus sancti,
 ipse illis præcipit quid et quemadmodum doceant? An in-
 telligendum est, et hominum officia ipso sancto Spiritu
 largiente, in docendis etiam ipsis doctoribus non debere
 cessare; « Et tamen neque qui plantant esse aliquid, neque
 » qui irrigant; sed Deum, qui incrementum dat⁵? » Unde
 ipsis quoque ministris sanctis hominibus, vel etiam sanctis
 Angelis operantibus, nemo recte discit, quæ pertinent
 ad vivendum cum Deo, nisi fiat a Deo docilis Deo, cui
 dicitur in Psalmo: « Doc me facere voluntatem tuam,
 » quoniam tu es Deus meus⁶. » Unde et ipsi Timotheo
 item dicit Apostolus, loquens utique ad discipulum doc-
 tor: « Tu autem persevera in iis, quæ didicisti, et credita
 » sunt tibi, sciens a quo didiceris⁷. » Sicut enim corpo-
 ris medicamenta, quæ hominibus ab hominibus adhiben-
 tur, nonnisi ei prosunt, quibus Deus operatur salutem,
 qui et sine illi mederi potest, cum sine ipso illa non
 possint, et tamen adhibentur; et si hoc officiose fiat, inter
 opera misericordie vel beneficentiae deputatur: ita et
 adjumenta doctrinæ tune prosunt animæ adhibita per ho-
 minem, cum Deus operatur ut prosint, qui potuit Evan-

¹ 2 Tim. iv, 2. — ² Tit. i, 9. — ³ Id. ii, 1. — ⁴ Ibid. 15. — ⁵ 1 Cor.
 iii, 7. — ⁶ Psal. cxlii, 10. — ⁷ 1 Tim. iii, 15.

gelium dare homini, etiam non ab hominibus, neque per hominem.

CAPUT XVII.

Ad docendum, delectandum et flectendum pertinet triplex dicendi genus.

XXXIV. Qui ergo nittitur dicendo persuadere quod bonum est, nihil horum trium spemnus, ut scilicet doceat, ut delectet, ut flectat, oret, atque agat, ut quemadmodum supra diximus, intelligent, libenter obedienterque audiatur. Quod cum apte et convenienter facit, non immrito eloquens dici potest, etsi non cum sequatur auditoris assensus. Ad hanc enim tria, id est, ut doceat, ut delectet, ut flectat, etiam tria illa videtur pertinere voluisse idem ipse romanus auctor eloquii, cum itidem dixit: « Is igitur erit eloquens, qui poterit parva submisse, modica temperate, magna granditer dicere¹: » tanquam si adderet illa etiam tria, et sic explicaret unam eamdemque sententiam dicens: Is erit igitur eloquens, qui ut doceat, poterit parva submisse; ut delectet, modica temperata; ut flectat, magna granditer dicere.

CAPUT XVIII.

Ecclesiasticus orator in materia grandi semper versatur.

XXXV. Hec autem tria ille, sicut ab eo dicta sunt, in causis forensibus posset ostendere: non autem hic, hoc est

¹ Cicero in lib. de Oratore.

in ecclesiasticis questionibus, in quibus hujusmodi, quem volumus informare, sermo versatur. In illis enim ea parva dicuntur, ubi de rebus pecuniaris judicandum est; ea magna, ubi de salute ac de capite hominum: ea vero ubi nihil horum judicandum est, nihilque agitur ut agat sive decernat, sed tantummodo ut detectetur auditor, inter utrumque quasi media, et ob hoc modica, hoc est moderata dixerunt. Modicus enim modus nomen imposuit: nam modica pro parvis abusive, non proprie dicimus. In ipsis autem nostris, quandoquidem omnia, maxime que de loco superiore populis dicimus, ad hominum salutem, nec temporariam, sed aeternam referre debemus, ubi etiam caverendum est aeternus interitus, omnia magna sunt que dicimus; usque adeo ut nec de ipsis pecuniaris rebus vel acquirendis vel amittendis parva videri debeant, que doctor ecclesiasticus dicit, sive sit illa magna, sive parva pecunia. Neque enim parva est justitia, quam profecto et in parva pecunia custodire debemus, dicente Domino: « Qui in minimo fidelis est, et in magno fidelis est¹. » Quod ergo minimum est, minimum est: sed in minimo fidelem esse, magnum est. Nam siue ratio rotunditatis, id est, ut a puncto medio omnes linea pares in extrema ducantur, eadem est in magno disco, que in nummulo exiguo: ita ubi parva juste geruntur, non minuitur justitiae magnitudo.

XXXVI. De iudiciis denique secularibus, (quibus utique nisi pecuniaris?) cum loqueretur Apostolus: « Audet quisquam vestrum, inquit, adversus alterum habens negotium, judicari ab iniquis, et non apud sanctos? An nescitis quia sancti mundum judicabunt? Et si in vobis judicabitur mundus, indigni estis qui de minimis iudicatis? Nescitis quia Angelos judicialibimus, nedium secularia? Secularia igitur iudicia si habueritis, eos qui

¹ Lue. xv, 10.

» contemptibles sunt in Ecclesia, hos constituite ad iudicandum. Ad reverentiam vobis dico. Sie non est inter vos quisquam sapiens, qui possit inter fratrem suum judicare? sed frater cum fratre judicatur, et hoc apud infideles. Jam quidem omnino delictum est, quia iudicia habetis vobiscum. Quare non magis iniuriam patimini? Quare non potius fraudamini? Sed vos iniuriam tem facitis, et fraudatis, et hoc fratres. An nescitis quia iniusti regnum Dei non hæreditabunt?¹ » Quid est quod sic indignatus Apostolus, sic corripit, sic exprobrat, sic increpat, sic minatur? Quid est quod sui animi affectum tam crebra et tam aspera vocis mutatione testatur? Quid est postremo quod de rebus minimis tam granditer dicit? Tantum-ne de illo negotio sæcularia meruerunt? Absit. Sed hoc facit propter justitiam, charitatem, pietatem, quæ nulla sobria mente dubitante, etiam in rebus quamlibet parvulis magna sunt.

XXXVII. Sane si moneremus homines, quemadmodum ipsa negotia sæcularia vel pro se, vel pro suis apud ecclesiasticos judices agere deberent, recte admoneremus ut agerent tanquam parva submissæ: cum vero de illius viri disseramus eloquio, quem volumus earum rerum esse doctorem, quibus liberamus ab aeternis malis, atque ad aeterna pervenimus bona; ubicumque agantur haec, sive ad populum, sive privatum, sive ad unum, sive ad plures, sive ad amicos, sive ad inimicos, sive in perpetua dictione, sive in colloctione, sive in tractatibus, sive in libriss, sive in epistolis, vel longissimis, vel brevisimis, magna sunt. Nisi forte quoniam calix aquæ frigidæ, res minima atque vilissima est, ideo minimum aliquid atque vilissimum Dominus ait, quod cum qui dederit discipulo ejus, « Non » perdet mercedem suam². » Aut vero quando iste docto-

¹ Cor. vi, 1-10. — ² Matth. x, 42.

in Ecclesia facit inde sermonem, parvum aliquid debet existimare se dicere; et ideo non temperate, non granditer, sed submissæ sibi esse dicendum. Nonne quando accidit ut de hac re loqueremur ad populum, et Deus affuit ut non incongrue diceremus, tanquam de illa aqua frigida quedam flamma surrexit³, quæ etiam frigida hominum pectora, ad misericordiæ opera facienda, spe coelestis mercedis accenderet?

CAPUT X.

Alias alio utendum dicendi genere.

XXXVIII. Et tamen cum docto iste debeat rerum dicitor esse magnarum, non semper eas debet granditer dicere, sed submissæ, cum aliquid docetur; temperate, cum aliquid vituperatur, sive laudatur: cum vero aliquid agendum est, et ad eos loquimur, qui hoc agere debent, nec tamen volunt, tunc ea quæ magna sunt, dicenda sunt granditer, et ad flectendos animos congruent. Et aliquando de una eademque re magna, et submissæ dicuntur, si docetur; et temperate, si predicator; et granditer, si aversus inde animus ut convertatur impellitur. Quid enim Deo ipso majus est? Numquid ideo non discitur? Aut qui docet unitatem Trinitatis, debet nisi submissa disputatione agere, ut res ad dignoscendum difficilis, quantum datur, possit intelligi? Numquid hic ornamenta, et non documenta queruntur? Numquid ut aliquid agat est flectendus auditor, et non potius ut discat instruendus? Porro cum laudatur Deus sive de se ipso, sive de operibus suis, quanta facies pulchrit-

³ 2 Mach. 1, 32.